

天下郡國利病書

四七

天下郡國利病書

卷一

交趾西南夷

備錄

安南國古交趾也。南方夷人足趾開折而足並立足則相交故名自漢武
開辟謫戍其人百戰與華無異。帝顯祖時南至于交趾莫不砥屬帝耄時
中命義叔宅南交周成王時交趾南有越裳氏重三譯而來朝越裳即九
真也秦以交趾隸象郡漢初屬南越武帝平之置交趾九真日南三郡兼
置交趾刺史治羸陵羸音蓮陸音柳。光武中興交趾九真置守任延錫
光教其耕種制為冠履始知婚娶漸立學校建武十六年女子徵側
反馬援討平之立銅柱為界相傳在欽州古森洞上有援誓云銅柱
折交趾滅交人過其下必擲土石培壘之抵思明府南又日南郡西亦
植二銅柱。獻帝建安中改為交州。吳孫權交州為廣州而徙交州
治龍編。交州記縣西有仙山上有石室下有勾漏縣數百里有三江
集城時有龍見故以名縣。晉宋齊梁陳隋並曰之唐初改南安都

護府屬嶺南道安南之名始此交趾郡為交州分武峩州粵州芝
州九真郡為愛州分福祿州長州日南郡為驩州分峯州陸州湯
州又有禺州叢州凡一十二州後改靜海軍分屬嶺南西道五季
梁貞明中為土豪曲承美所據送款于梁得節度使時南漢擅命
嶺表遣將李知順一作克鄰伐承美執之乃并有其地已上詳見
事紀尋為愛州將楊延藝所據南漢署為交趾節度使傳子紹洪
改州將吳昌安奪之傳其弟昌文宋乾德初昌文死吳虔珣等爭
立管内大亂有丁部領者平之自稱大暕王私署其子璉為節度
使聞南漢平上表內附八年詔封部領為交趾郡王璉為節度安
南都護自此始為蕃夷矣後部領及璉死璉弟璘立尚幼大校黎桓
篡之丁氏傳世共十一年太平興國五年詔劉澄賈湜王僕為水

兵馬部署自廣州路入討桓破之于白藤江口轉運使侯仁寶率軍
先進澄等遭廻花步桓詐降以誘仁寶遂為所害轉運使許仲宣馳
奏遂班師澄病死詔戮澄等而贈仁寶工部侍郎桓上表謝罪雍
熙二年入貢以桓為安南都護元靜海軍節度使四年封交趾郡
王黎氏有交趾自此始至道元年寇欽州如洪鎮景德元年桓卒
中子龍鉞立為其弟龍廷所篡其從兄明護率其下千餘人奔廉
州乞討詔不許令廣州使加資給四年龍廷入貢遂得紹封大中
祥符元年大校李公蘊逐之自稱雷後黎氏傳世共二十年詔以
公蘊為節度使封南平王卒子德政嗣德政卒子日尊嗣嘉祐四
年寇欽州思稟官五年與甲峒賊寇邕州詔安撫使余靖討之靖遣
謀誘占城國廣南西諸兵甲赴交趾日尊上表待罪熙寧二年表言

占城國久缺貢臣觀帥兵討之虜其王遂階稱大越皇帝追尊公蘊
為太祖皇帝改元寶象又改神武五年卒傳子乾德知桂州劉彝
聽偏校言以為安南可取大治戈船過絕表甄熙寧八年冬遂分
三道入寇一自欽州一自廣甯一自崑崙關連陷欽廉二州遣招討
使鄧達討之九年十二月達破蠻決里隘次富良江收其精兵殺其王
子洪真乾德懼遣使奉表詣軍門納款乞修職貢還所奪州縣詔
諭俟盡還省界即賜以廣源州乾德初約歸欽廉邕三州官吏千
人久之終送民二百二十一口男子年十五以上皆刺額曰天子兵二
十以上曰投南朝婦人刺左手曰官客以舟載之而泥其戶牖中設燈
燭日行一二十里則止而偽作更鼓以報允數月乃至益給示海道之
遠也然廣源舊隸邕管羈縻本非交趾所有吾民遭其荼毒反益地與

之乾德卒子陽煥立陽煥卒子天祚立淳熙元年二月進封天祚為安
南國王安南之為國自此始天祚子龍翰龍翰子晃昂皆紹封晃昂
卒無子女昭盛主國事李氏八世共二百二十二年紹定三年昭盛
避位于夫陳日煚四年紹封日煚為安南國王景定三年表乞世襲
詔以日煚為太王而其子威晃紹封威晃一名光昂始立號名以欺
中國矣是時元世祖既平雲南遂遣師入取廣西道光昂上表奉貢
中統二年封為安南國王至元十四年卒子日烜不請命自立世祖
遣人召之入覲光昂不行明年再召以疾辭止令其叔遺愛代覲世
祖怒封遺愛為王以兵千人送之就國安南弗納遺愛恨夜逃去二
十一年冬命鎮南王脫歡平章阿里海牙征之進兵臨境日烜拒敵
潰走二十二年日烜僭稱大越皇帝襲其父名威晃父子同名猶

林邑陽邁也傳位于其子日燭自稱太上皇按李陳相承皆偕大
號光昌改元紹隆日燭改紹寶其弟益稷歸順入見復封益稷為
安南國王二十四年大發兵討之命脫懽及平章與魯赤統師送
益稷平定其國水陸分道合雲南兵進萬戶張文虎等運糧十七萬
石瓊州路安撫使陳仲達等出兵船以送日燭遣使入貢師次思明
由海道經玉山雙門安邦口遇其舟師斬首四千餘級生擒百餘人
九十七戰皆捷張文虎次屯山遇其舟師擊之多寡不敵乃沉米于
海趨瓊州餘糧船亦多漂至瓊士卒與船糧亡失者十一脫懽以諸
軍度富良江敗其守城兵日燭與其子景城走入海島二十五年
師次天長海口不知其所往引兵還交趾城諸將破其諸寨至三江
口而糧船不至乃還謀知日燭及其子分兵三十餘萬守女兒關及

丘急嶺連亘百餘里以道歸師既懼遂由單已縣趨邕州間道以出
思明州命愛魯引兵還雲南與魯赤以諸軍北還日烜遣使謝罪二
十七年卒日燁遣使入貢詔諭來朝日燁不從又議征之會兵湖廣
行省益援與焉會世祖殂成宗命罷征日燁遣使上表慰國哀并
獻方物願為藩臣自是貢獻不絕後封為安南王至大四年世子
日套遣使奉表來朝尋入寇廣西俾湖廣行省發兵討之泰定
三年世子日煥遣使入貢至順三年世子日燁遣使入貢皆不稱王
悞討也按陳天平自稱日烜之孫天明之子蓋有召天明者傳至
日燁 本朝洪武元年冬 上遣漢陽知府易濟賁詔往諭安
南詔曰昔帝王之治天下凡日月所照無有遠近一視同仁故中
國尊安四方得所非有意于臣服之也自元政失綱天下兵爭者

十有七年四方遐遠信好不通朕肇基江左掃辟雄定華夏臣民
推戴已至中國建國號曰大明改元洪武頃者克平元都疆宇大
同已承正統方興遠邇相安于無事以享太平之福惟爾四夷君
長酋帥等遐遠未聞故茲詔示想宜知悉二年日燿遣使入貢請
封遣翰林侍讀學士張以寧典簿牛諒往封日燿為安南國王賜
蛇紐璽金銀印十月至其界而日燿先卒其世子日燿嗣遣使告
哀且請封上自製文遣翰林編修王廉克弔祭使吏部主事林
唐臣克頒封使封日燿為安南國王併取前使張以寧等所獲印
及賜物畀之廉既行又詔以漢伏波將軍馬援舊封交趾立銅柱為
表以鎮服蠻夷其功甚大命廉就祭之三年秋八月廉等至安南日
燿與陪臣出迎於郊奉御製文於彩輿迎入別設日燿靈位使者

南面宣之日煙率其臣再拜俯伏以聽成禮而退翌日唐臣等捧
詔印授之日煙率其臣北面跪受初交人惟以長揖為敬至是始行
稽首頓首禮自表謝後歲常入貢謹修臣職國初設鎮南関于憑
祥弘治己未安南陪臣黎考俊與憑祥知州李廣寧奏爭貢路欲
專由龍州不允日煙尋為其伯叔明所篡五年二月叔明遣使入
貢却之七年叔明遣使奉表謝罪貢方物且請封詔叔明且
以前王印祝事尋表稱年老以弟熾代祝事許之八年六月熾
遣使請朝貢期詔三年一朝貢若王立則世見十一年正月
遣使告熾平弟熾代十二年冬十二月熾入貢詔諭與占城
平諭安南國王陳煒伯陳叔明日朕聞春秋諸侯之國皆自喪
其福然後相繼而滅亡者云何蓋由逆君命而福惡黎故天鑒若

是有不能逃其禍也。使當時諸侯惟天王之命是從，豈不同周之固
邪？何期會長久富貴而貪高位致富貴，范州秒之朝露，賢不云乎？
母為禍首，母為福先。爾叔明自臨事以來，國中多故，民數流離。此
果爾兄弟慕福而若是邪？抑民有怨而致是邪？惡既往者不可諫，
豈不知來者之尚可追易不云乎？積善之家必有余慶，積不善
之家必有余殃。斯言若行，則天意可回矣。且天地之廣，長民者祇
若邦有這，固封疆勿外求，則永為世福。若越境而殃他民，則福命
未可保也。爾安南與占城忿爭，將十年矣，是非彼此朕所不知，其
怨未消而讐未解，得如之何？爾叔明如聽朕命，息兵養民，以承天鑒。
後必有無窮之福。若朕命而必為又恐如春秋之國自取滅亡也。古
人有云：以道佐人主者，不以兵強天下。何者？殺伐之事，好還故知者。

不為也爾如鑒春秋之失毋蹈往轍豈不美乎宜悉朕意毋有忽十
三年叔明屢遣使入貢方物詔戒瑜之二十一年冬十二月庚午
煒為其國相黎季犛幽于城外太陽坊尋弑之主叔明子日焜主國
事大柄皆出季犛二十九年二月遣使以叔明死告哀 上以叔
明篡弑得國踰禮部臣曰叔明懷姦挾詐殘滅其主不義如此庸可
與乎若遣使弔慰是撫亂臣而與賊子也異日四夷聞之狂謀踵發
亦非中國撫外夷之道也爾禮部咨其國知之三十二年 革除建
文元年季犛弑其主日焜而立其子顯未幾復弑顯而立其幼子
箕尋復弑之大殺陳氏宗室而奪其位季犛更姓名曰胡一元其子
蒼更曰胡奎自謂舜裔胡公滿之後改國號曰大虞 改元 聖季
犛僭稱太上皇奎為大虞皇帝 陳氏十二世共一百七十年 永樂元年

夏四月遣使奉表賀即位具奏稱陳氏之甥為衆所推權理國事
乞賜封爵遣行人楊勣往察之閏十一月奎遣使隨勣入朝進其陪
臣耆老奏章謂實陳氏外孫遂封為安南國王奎偕謁如故及元紹
成二年八月陳氏舊陪臣裴伯耆潛入京師奏季犛父子弑主篡
位乞復立陳氏子孫未幾老撾宣慰司亦送日恒孫陳天平至上
憐而納之命有司賜居第月給廩餼十二月安南賀正旦使至上
命禮部出天平示之使者識其故王孫也皆錯愕下拜有感泣者
伯耆在列亦責使者以大義皆惶恐不能對三年春正月遣使賫
勅責之奎上表謝罪 上使行人往諭奎迎還天平以君事之當
建爾上公封以大郡奎奏請近還如命四年春正月廣西總兵官征
南將軍都督同知韓觀受 勅選兵五千左副將軍都督僉事

黃中等將之待天平至送之還安南三月送天平將至并站伏殺
剗天平殺之時大理寺卿薛嵩謫廣西中舉以輔行亦自經死四
月報至 上大怒發兵討之七月戊子朔遣使脣告岳鎮海濱之神

遂命成國公朱能為征夷將軍元總兵官西平侯沐晟新城侯張
輔副之有黃中俾立功贖罪 時賊得志改元開大九月師出龍州
能以病薨冬十月輔等率師至隘面關大破之賊皆散走輔傳檄
數其大罪二十求陳氏子孫復其王爵兵自并站以西至北江府
新福縣謀知沐晟軍至白雀遣將往會沿江築城樹柵相連亘九百
餘里盡葢江北諸府州民守之朱能計聞 上命輔元總兵官勅曰
大將軍開平王常遇春偏將軍岐陽王李文忠等率師北征而開平
王卒于柳河川岐陽王率諸將掃蕩殘胡終建大勲爾等宜取法

前入殄除逆賊仍調西廣江浙荆閩兵八萬泛征師至多邦城輔
攻西南晟及東南賊接戰驅象當前以画獅蒙馬翼以神機銃象
傷于銃箭皆退走突城長驅而進遂克之賊陷藉及破殺死者不
可勝計于是循富良江南下破其東都賊棄城遁乃駐軍東南
招輯撫納日以萬計皆給榜使復業左右叅將李彬陳旭擊西都
城賊逃入海於是三江殆宣江洮江等州縣次第來降是年擢憑
祥知縣李昇子慶清仍故父職以同察賊情永樂五年正月輔合
兵自往江濟軍襲等江柵破之又攻萬剡江普賴山斬賊首三萬七
千三百九十級獲賊將殺之餘黨潰散盡得其船仍使降人陳封招
撫諒江東潮等處人民使皆安業于是郡邑聞風相繼降附得謀報
季犛等及其子澄等聚舟於黃江遂水陸並進至木瓦江賊舟膠